

Manmin nga mga Balita

NO. 93 SEPTEMBRE 2, 2018

“Ang Probidensya sa Dios sa Manmin sa Naghinapos nga panahon!”

Ang ika-36 nga Anibersaryo sa Manmin Central Church



Pag Hulyo 25, 1982 ang Manmin Central Church giabli sa dakong probidensya sa Dios aron mogiya sa tanang tawo sa tanang nasod ngadto sa kaluwasan og niadtong Hulyo 25, 2018, among gi selebrar ang ika-36 nga anibersaryo sa pag abli.

Pag Abril 17, 1974, si Senyor Pastor Dr. Jaerock Lee nakaila sa buhi nga Dios diha sa ngilit sa kamatyaon human nga siya nag antos sa daghang sakit. Naayo siya sa tanang maong mga sakit sa usa lang ka higayon pinaagi sa Dios og nidawat ang Ginoo. Paghuman buot siyang mahimong hingkod sa simbahan nga mangalagad sa charitable work og sa mission work. Apan gitawag siya sa Dios isip pastor pag Mayo 1978. Nitambong siya sa theological seminary, og mahalaron sa iyang kaugalingon ngadto sa Pulong og pag-ampo, og nagpuasa og perming nag-ampo.

Sa dihang nag-ampo siya uban sa 40-kaadlawng puasa para sa pag abli sa simbahan, ang Dios niingon niya ‘iabli ang simbahan kon maglagiting ang adlaw sa kainit.’ Pinaagi sa Iyang pulong, niadtong Hulyo 25, 1982 iyang giabli ang simbahan uban sa 12 katawo sa edad nga 40. Ang ngalan sa simbahan nga ‘Manmin’ gihatag sa Dios niya agig tubag sa iyang pag-ampo. Sugod sa sinugdanan sa pag abli sa simbahan, daghang ilhanan og kahibulongan ang nahikyad og ang Espiritu og grasya nipuno sa simbahan. Mao kini hinongdan nga ang simbahan naka eksperyensya sa dakong kabag-ohan.

Mayo 1986, si Pastor Jaerock Lee gi ordinahan isip pastor og nagpadayon ang dagkong kabag-ohan. Hulyo 1991, ang United Holiness Church of Jesus Christ na porma, og human aktibo siyang niapil sa pag ebanghelyo sa nasod pinaagi sa pagpamuhat isip Joint Chairman sa Holy Spirit World Explosion Crusade 1992 og Administrative Chairman sa Peaceful Reunification Jubilee Crusade sa 50th Anniversary sa independensya. Pag 1993, ang simbahan gipili isip usa sa “World’s Top 50 Churches” sa *Christian World* nga magazine (US).

Hulyo 2000, ang simbahan nagsugod sa langyaw’ng krusada giunahan sa Uganda Holy Gospel Crusade. Si Dr. Jaerock Lee nagpadayon sa pagwali sa Dios Magbubuhat og ni Hesu Kristo uban sa mabutihong gahom sa Dios ngadto sa daghang nasod lakip sa Pakistan, India, Russia, Germany, Peru, og United States.

Pag Hulyo 25, 2007, uban sa ika 25 anibersaryo sa pag abli sa simbahan, si Dr. Lee nagsugod sa iyang Israeli ministry sa Nazareth. Nibisita siya sa Israel 12 kahigayon sulod sa 3 katuig og nagpakatag sa ebanghelyo ni Hesu Kristo uban sa gahom sa Dios. Pag Septiembre 2009, nihimo siya sa Israel United Crusade sa Jerusalem, ang kapital nga siyudad sa Israel. Ang simbahan nagpadayon pagbuhat sa pagpangalagad sa Israel og nagdala sa dakong kausaban sa mga simbahan sa Israel.

Ang atong simbahan karon mega church na og naay gibanabanang 11,000 ka mga sangang simbahan og nakig ubang simbahan sa tibuok kalibotan. Labaw natong ipadayon pagtuman ang probidensya sa Dios alang ining naghinapos nga panahon uban sa gahom sa re-creation.



“Ang Dakong Sugo sa Ginoo Natuman diha sa Mabutihong Gahom sa Espiritu Santo!”

Elder Johnny Kim, Direktor sa GCN

Akong nakita nga ang probidensya og panglantaw sa Dios natuman sa Manmin pinaagi ni Senyor Pastor Dr. Jaerock Lee sa walay bisan katiting nga sayop. Sa walay kukahadlok iyang gipanghimatuuran ang Dios Magbubuhat og gi proklamir si Hesu Kristo nga mao ray atong Manluwas bisan sa Muslim nga kanasoran og sa Hindu dominante nga mga nasod. Tungod kay iyang gipamatud-an ang iyang mga mensahe pinaagi sa pagpakita sa mga ilhanan og kahibulongan, daghang tawo ang nidawat sa Ginoo.

Hulyo 2007, ang iyang pagpanglagad sa Israel matungahaong nagsugod sigun sa giingon kaniya sa Dios. Sa tulo katuig nga pagpanglagad, ang mga messianic Jews sa Israel nadasig og nalig-on batok sa mga paglutos nga ilang giantos didto. Ilang na eksperyensya

ang kausaban, og ni imbitar sa Performing Arts teams sa atong simbahan matag tuig. Sa mga pagbisita, ang Korean nga kultura napaila ngadto sa Israel og ang atong pagka prestiheyoso napausbaw.

Si Senyor Pastor Dr. Lee lawum nga makig estorya sa Dios pinaagi sa inspirasyon sa Espiritu Santo sa mainitong pag-ampo og pagpuasa og nituman sa kabubut-on sa Dios. Ang mga miyembro sa simbahan nisunod sa iyang ehemplo og nag ampong mainiton. Ang Dios nanalangin nako nga makaila sa maong tawo og iyang giandam ang katumanan alang sa world mission, og naka eksperyensya sa kahibulongang pagpataliwala sa Dios sa daghang panahon. Akong hatagan sa tanang pasalamat og himaya ang Dios nga nigiya sa pagpangalagad sa Manmin.



Senyor Pastor Dr. Jaerock Lee

Ang Pagkaon sa Unod og Pag-inom sa Dugo sa Anak sa Tawo (1)

“Si Hesus niingon kanila,
‘Sultihan ko kamo;
kon dili kamo mokaon sa unod sa
Anak sa Tawo og dili moinom sa
iyang dugo,
dili kamo makabaton og kinabuhi.
Ang mokaon sa akong unod og
moinom sa akong dugo may
kinabuhing walay kataposan og
banhawon ko siya
sa kataposang adlaw.
Kay ang akong unod mao ang
matuud nga pagkaon og ang
akong dugo mao ang matuud
nga ilimnon”
(Juan 6:53-55).

Aron ma sustineran ang kinabuhi ang matag usa kinahanglan mokaon og moinom og tubig. Ang tubig maoy motabang sa paghilis og pag suyop sa bitamina og sa pag pagawas sa hugaw diha sa lawas. Ang maong proseso mao usab sa espirituwal nga paagi.

Human sa atong pagdawat ni Hesu Kristo og sa pagpakatawo pag usab pinaagi sa tubig og sa Espiritu Santo, atong maangkon ang katungod nga mahimong anak sa Dios. Kita ‘mokaon gyod sa unod og moinom sa dugo sa Anak sa Tawo’ aron ma sustineran ang atong espirituwal nga kinabuhi.

Karon atong tugkaron ang pasabot sa ‘pagkaon sa unod sa Anak sa Tawo.’

1. Kahulogan sa “Pagkaon sa Unod og Pag-inom sa Dugo sa Anak sa Tawo”

Unsa may pasabot sa pagkaon sa unod sa Anak sa Tawo? Kini espirituwal nga paghurut sa unod ni Hesus nga mao ang tinuod nga pagkaon nga modala nato sa kinabuhing dayon.

Juan 1:14 nag-ingon nato “Og ang Pulong nahimong tawo, og mipuyo

uban kanamo, puno sa grasya og kamatuuran. Nakita namo ang iyang himaya, ang himaya nga iyang nadawat ingon nga bugtong Anak sa Amahan.” Si Hesus nihulagway sad sa Iyang kaugalingon sa pag-ingon, “Ako mao ang pan nga gikan sa langit nga naghatag sa kinabuhi. Ang mokaon niini nga pan dili gayod mamatay. Og ang pan nga akong ihatag mao ang akong unod aron mabuhi ang kalibotan” sa unang tunga sa Juan 6:51.

Ang pagkaon sa unod sa Anak sa Tawo-Pulong sa Dios, nga mao ang pan sa kinabuhi-duol sa paghisama ni Hesus nga “Karnero.” Ang paagi sa pagkaon ini nahisulat sa Exodo 12 pinaagi sa pagkaambid sa Karnero sa Pagsaylo.

Ang karnero motuman lamang sa tingog sa magbalantay. Sila malumo og naghatag lang sa tawo og nindot nga binepisyo. Sa samang paagi, agig pagsunod lamang sa kabubut-on sa Dios, si Hesus nihatag lamang sa mga maayong butang ngadto sa katawhan sama sa karnero Siya nahimong panghimayad nga sakripisyo alang kanato. Ang mga karnerong wala pay tuig sa panuigon puro pa og wala pa malambigit sa isig ka karnero og sa espirituwal nga termino, sila sama sa Atong Hesus nga walay buling og walay ikasaway.

Sa dihang ang kamatay sa Kamagulangang anak mihapak sa Ehipto, sa atong mabasa sa Exodo 12:7-10, ang Dios misugo sa mga Israelita nga sila magkuhag karnero og “Unya magkuha silag dugo og ipahid diha sa duha kahaligi sa pultahan og sa ibabaw sa pultahan sa mga balay diin kan-on” ang mga mananap. Ang Dios sad nisulti nila og unsaon nila pagkaon ang karnero.

2. Ang pagkaon sa Karnero

1) Dili kan-on nga “hilaw o sinabaw,” apan aslon sa kalayo.

Dinhi, “ang kalayo” nag representa sa kalayo sa Espiritu Santo og atong sabton og himoong pan ang Pulong sa Dios pinaagi sa inspirasyon sa Espiritu Santo (2 Pedro 1:20-21). Ang 2 Pedro 3:16 nagpahimangnu nga ang pag interpret nato sa Pulong sa Dios nga dili pinaagi sa inspirasyon sa Espiritu Santo makadaot og mopahilayo nato sa matuud og sa kataposan modala nato sa kalaglagan.

Ang “hilaw’ng pagkaon nato sa Pulong sa Dios” maoy literal nga interpretasyon sa Pulong sa Dios sa walay pagsabot sa espirituwal nga kahulogang nahitisok niini.

Kon mokaon og hilaw ang tawo dili mahilisan og magsakit ang tiyan. Sa samang paagi, “ang hilaw nga pagkaon sa Pulong sa Dios” dili makahatag natog kaalam og mogiya nato sa sayop nga interpretasyon sa Bibliya.

Sama pananglit, sa giingon ni Hesus sa Mateo 6:6, “Apan kon mag ampo ka, sulod ngadto sa imong kwarto unya sirhi ang pultahan og pag ampo ngadto sa imong Amahan nga dili makita. Og gantihan ka sa imong Amahan nga nagtana-aw sa imong gibuhit sa tago.” Sa ingon niana si Hesus wala mag ampo sa sulod sa kwarto apan hinoon sa harden o sa ubang mga lugar. Kini nagpasabot nga kon kita mag-ampo dili ta mahuptan sa kalibotanhong mga panginahanglan og mga hunahuna, apan hinoon makig estorya ta sa Dios gikan sa kinahiladman sa atong kasingkasing.

Sunod, ang karnero dili kan-on nga “sinabawan.” Kini nagsulti nato nga dili nato pun-an ang Pulong sa Dios sa mga kalibotanhong elemento. Ang hunahuna og kaalam sa tawo limitado kaayo og walay dakong ideyolohiya ining kalibotana nga hingpit. Ang Pulong sa Dios labaw sa bisan unsang kalibotanhong kahibalo og kini lamang ang mohangtod sa walay kataposan og matuud nga dili mausab. Hinumdumi nga, walay makapamatuud sa kaalam o spekulasyon ining kalibotana apan ang Pulong lamang sa Dios diha sa Bibliya pinaagi sa inspirasyon sa Espiritu Santo. Pinaagi ining maong kaalam sa pulong nga gipahayag sa Espiritu Santo, ang magtotoo kinahanglan matudloan sa Buhi nga Dios, sa mga paagi aron sila makaila Niya, og sa saktong pagmodelo sa kinabuhi diha ni Kristo nga gikinahanglan kaayo nato alang sa kaluwasan.

2) “Uban sa ulo, tiil og sa sulod sa ginhawaan” kaonon kining tanan.

Kini nagpasabot nga atong himoong pan ang tanang Pulong sa Dios nga anaa diha sa Bibliya, gikan sa Genesis ngadto sa Gipadayag.

Kon magbasa sa Bibliya, ang ubang tawo mokuha sa ubang lisod nga parti sama sa Levitico samtang ang uban magdumili o magduhaduha sa pagtoo

sa mga panghitabong ilahann og kahibulongan nga klarong nahisulat diha sa Bibliya. Kon ang tawo mobaliwala o moputol sa bahin nga dili mosibo sa ilang hunahuna, unya unsa man ang nahabilin, dili Matuud og dili na usab Pagtoo.

Ethics og moral nalang ang nahabilin. Labaw pa niana, kon dili nila huptan ang mga sugo sa Dios nga murag lisod para nila sa pagbaton, dili sila makaangkon sa eternal nga kinabuhi bisan pa og kapila sila magsige og basa sa Bibliya.

Ang Pulong sa Dios dili dawaton nga tinagitagi apan tibukog nga himoong pan. Og kita makabaton sa eternal nga kinabuhi.

3) Hutdon og kaon ang karnero nga walay mahabilin sunod buntag; ang mahabilin sunogon sa kalayo.

Nagpasabot nga ilang kan-on ang karnero sa dili pa ang buntag. Sa espirituwal nga termino, “gabii” nagpasabot sa panahon nga ang kaaway’ng demonyo og satanas maoy naghupot sa awtoridad ining kalibotana. Ang “buntag” nagtumbok sa panahon sa pagbalik sa Ginoo. Ato gyod kan-on ang tanang Pulong sa Dios-ang unod sa Anak sa Tawo-sa dili pa mobalik ang Ginoo.

Sa kataposang mga adlaw, sa kalibotang nagkatumog sa sala og daotan, ang kangitngit mo grabi. Kon mobalik na unya ang Ginoo, ang kangitngit palayason og ang kahayag modala sa kabuntagon. Anang higayona, ang katawhan makahunahuna nga ang tanang nahisulat sa Bibliya matuud gayod.

Mao nga, sa dili pa moabot ang kabuntagon-sa dili pa mobalik ang Ginoo-magtinguha gyod kita sa paghimog pan sa tanang Pulong sa Dios, atong kompletohon ang preparasyon isip pangasaw-onon sa Ginoo, og maghuwat sa Iyang pagbalik.

Mahal nga kaigsoonan ni Kristo, kon giunsa nato paghimong pan ang Pulong sa Dios makita sa kalidad sa atong kinabuhi karon og mao usab ngadto sa Langit bahin sa langitnong puloy-anan og mga ganti.

Mao nga, ako mag-ampo sa ngalan sa Ginoo nga ikaw maghimog pan sa matag pulong sa Dios og makasulod sa pinaka nindot nga lugar sa tanang Langit.

Ang Pag-angkon sa Pagtuo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-anan pinaagi lamang sa dugo ni Hesu Kristo.
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtuo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

Manmin nga mga **Balita**

Bisayan

Published by Manmin Central Church

29, Digital-ro 26-gil, Guro-gu, Seoul, Korea, 08389
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manminen@manmin.kr
Publisher: Dr. Jaerock Lee
Managing Editor: Geumsun Vin

Ang akong pamilya naanad nga magsiba sa mga diosdios og kulang sad mi sa gugma. Pagka gamay nako, permi kong hapakon sa akong ginikanan. Tungod ini naa koy deprisyon og nisulay gani pagpakamatay. Human nako og kaminyo, nagsugod mi og simba uban sa akong bana. Gusto kong malingaw og makabaton sa malipayong kinabuhi, apan magsige sad mi og lalis. Wala mi kalinaw.

Pag Disyembre 2010, nakadungog ko mahitungod sa Manmin Central Church gikan ni Decon Lu Khai Seng. Nagbasa ko sa *Balita sa Manmin* og nitan-aw sa DVD "Power." Na sorpresa kaayo ko sa gamhanang lihok sa Dios nga nahitabo diha sa simbahan og nakadawat ko sa dakong grasya. Human niana naa koy mysteryosong damgo, diin naminaw ko sa sermon og nagdayeg didto sa bag-ong lugar uban sa daghang tawo nga nagsultig lainlaing pinulongan. Og unya ako sad ni nahibaloan nga kato diay mao ang Manmin Central Church.

Buot kong mahibalo pa mahitungod sa simbahan og ni Senor Pastor Dr. Jaerock Lee. Akong nakaila si Ms. Deborah Tang, Presidente sa Malaysian Manmin Publisher pinaagi ni Decon Lu Khai Seng. Akong nadungog ang ebanghelyo nga klarong nagpasabot sa



“Naayo ko sa deprisyon og sakit sa kasingkasing og nakabaton sa kalinaw sa akong pamilya!”

Deconesa Hu Ann Hoong, 41 anyos, Sarawak Malaysia

espirituwal nga pasabot nga nahitisok diha sa Kasulatan og ang pag presenta sa dalan aron mahimong tinuod nga anak sa Dios.

Ako sad nakat-onan ang mga butang sama sa imahe sa dragon nga diay mga diosdios. Ako kining gipanglabay gawas sa among pamilya. Human, akong nabati ang kanindot og kalipay. Ang mga miyembro sa akong pamilya nagsugod og basa sa mga libro ni Dr. Lee lakip na sa *The Message of the Cross, Heaven, The Measure of Faith, Hell* og uban pa. Napanalanginan kaayo mi tungod sa mga mensahe. Naa sad mi koneksyon sa GCN TV og moapil sa worship service sa Manmin.

Human sa akong pagsige og dawat sa pag-ampo ni Dr. Lee alang sa mga masakiton matag worship service, naayo ko sa chronic headaches, dipresyon, og heart disease. Ang panalangin niabot sa negosyo sa akong bana, og nahimo ming pamilya nga puno sa masadyaong katawa sa walay panaglalis.

Mapasalamaton kay niadtong Agosto 2014, si Decono Lu Khai Seng og kami nakakuha og lugar alang sa paghimo og worship service sa bilding diin atua ang iyang negosyo sa Sibu, Sarawak. Karon mga 30 na katawo ang managpundok og moapil sa worship service sa Manmin og Daniel Prayer Meeting pinaagi sa GCN.

Ang miyembro sa akong pamilya perming mobisita sa South Korea para motambong sa mga siminar sa simbahan, summer retreats, og sa espesyal nga mga kalihokan. Matag bisita, maka saksi mi sa lihok sa Espiritu Santo og mapuno sa gugma sa Dios og sa Ginoo og magkadako ang paglaom alang sa Langit. Moa nga moadto gyod mi sa Korea kon mahimo. Ang maanyag nga balaang ebanghelyo nibag-o sa akong kinabuhi, niayo nako og nihimo sa akong pamilya nga malipayon.

Aron mahatod ang pulong sa kinabuhi ngadto sa ubang tawo, nag display mi sa 300 ka mga libro ni Senyor Pastor didto sa negosyo sa akong bana og mipaila sa iyang mga libro kon naay book fairs. Akong ihatag ang tanang pasalamat og himaya ngadto ni Hesu Kristo nga mitugot nako nga akong mailhan ang bililhong magbalantay, makadawat sa kaayohan og makabaton sa malipayong pamilya diha sa tinuod nga pagtoo.

“Naayo ko sa appendicitis pinaagi sa lihok sa Espiritu Santo sama sa bugnaw nga hangin!”

Senyor Deconesa Kisuk Lee, 73 anyos, Parish 1, Manmin Central Church

Marso 23, 2018, naa koy grabing kasakit sa akong tiyan. Murag nangurente ang akong likod. Sakit sad kaayo ang akong ulo og gihilantan. Human moinom ko og gamay'ng tubig, naa koy dry-heaves og maglisod sa pagpangih.

Pagsunod adlaw gi-ultrasound ko og giingon nga naa koy appendicitis. Posible kining mahimong peritonitis kon makabuto. Naa ko sa dilikado. Apan nasiguro ko nga maayo pinaagi sa pag ampo ni Senyor Pastor Dr. Jaerock Lee.

Nagtambong ko sa laing simbahan sa una sa wala pako sa Manmin, apan uhaw ko espirituwal. Diha sa pag ampo nangayo ko sa Dios og giya nga makaadto og simbahan nga diin akong madungog ang pulong sa kinabuhi og makatagbo sa buhi nga Dios. Human sa pag ampo, nagiyahan ko sa Manmin Central Church. Og sugod ato, nakasaksi ko sa daghang ilhanan, kahibulongan, og gamhanang lihok nga nahitabo sa ngalan ni Hesu Kristo pinaagi ni Senyor Pastor.

Pag 25, niadto ko sa simbahan sakay sa wheelchair aron makadawat sa iyang pag-ampo. Pagdawat

nako pag ampo, akong nabati ang bugnawng hangin murag gi elektrikpanan ang akong dughan og tiyan. Ang bugnawng hangin nipa presko nako og nakalingkawas ko sa kasakit sa tiyan diha dayon. Unya makabarog nako sa wheelchair. Og makalakaw nasad! Pag 28, naa nasad koy laing ultrasound og giingon nga naayo ko sa appendicitis. Halleluyah!


Kadaghan na nakong na eksperyensya ang gahom sa Dios. Usa kaadlaw nibangon ko nga napakong. Naa koy dry heaves og lain akong pamati sa lawas. Gidala ko sa hospital. Ang akong MRI nagpakita nga nagdugo ang akong utok.

Apan sa dihang si Senyor Pastor mag-ampo nako sa ngalan ni Hesu Kristo, ang kasakit mawala ra dayon. Human sa pipila kaadlaw, nagpa medical test nasad ko og giingon nga limpyo nako. Akong pasalamat og himayaon ang Dios nga niayo nako og nipanalangin aron ako magpakabuhing malipayon og mapasalamaton. Ako sad ipadangat ang kinasingkasing pasalamat ngadto ni Senyor Pastor nga ni protekta namo sa ngalan ni Hesu Kristo pinaagi sa gamhanang pag-ampo.



Senyor Deconesa Kisuk Lee og iyang anak Deconesa Eunju Shin

Ultrasound og CT scan



▲ Sa wala pa ang pag-ampo: appendicealfecalith og panghubag nga hinongdan sa appendicitis.



▲ Human sa pag-ampo: ang appendix nga nanghuboy normal na.



Tel: 82-2-824-7107
www.gcnetv.org
webmaster@gcnetv.org



Tel: 82-2-818-7331
www.manminseminary.org
manminseminary2004@gmail.com



Tel: 82-2-818-7039
www.wcdn.org
wcdnkorea@gmail.com



Tel: 82-70-8240-2075
www.urimbooks.com
urimbook@hotmail.com

Ang Manmin Nibago sa Kinabuhi og Pagpangalagad sa mga Kristohanon Tibuok Kalibotan



Dr. Andre Gasiorowski,
Presidente sa Helping Hand Coalition, Israel

“Ang mga Miyembro sa Manmin Malipayon Salamat sa Debosyon og Gugma sa Magbalantay”

Akong na sulbad ang daghang personal nga problema pinaagi sa gamhanang pag-ampo ni Dr. Jaerock Lee, og ang akong asawa naayo sad sa problema niya sa iyang likod pinaagi sa iyang pag-ampo. Nagtoo ko nga ang maong pagka gamhanan sa lihoc nga gipakita kini tungod kay siya nakaabot sa maong pagbalaan og naghilad sa tibuok niyang kinabuhi sa pag-ampo og pagpuasa uban sa dakong katungdanan alang sa gingharian sa Dios. Ang maong lihoc dili mahitabo sa simple nga kahibalo sa Dios og sa taphaw na pagpakighinabi Niya.

Sa akong pagbisita sa Manmin, akong na eksperyensya ang malipayong kinabuhi diha sa kaayohan sa Dios, tubag og grasya. Pagkakita nako ni Dr. Lee nahingangha kaayo ko sa iyang dakong gugma alang sa mga miyembro og sa iyang pagka mapaubsanong pagka alagad sa Dios. Iyang gipakita nako ang dakong eksampol kon unsaon aron nga kita mahimong higala sa Dios. Pagkakita nako niya, niingon dayon ko sa akong kaugalingon nga magbag-o.

Ang pagpangalagad sa Manmin nagkadako og nagpakita sa maayong ehemplo unsaon aron ang lihoc sa Dios matuman gyod. Gusto kong mopadayon sa pagtabang sa pagpangalagad sa Manmin og mahimong saksi sa Dios nga ubang nagapamuhat ni Dr. Lee.



Mr. Sergey Velbovets,
Presidente sa INVICTORY MEDIA GROUP, Canada

“Ang Tinood nga Pagtoo sa Tinud-anay’ng Pagsilbi sa Dios Makita Dinhi”

Ang Manmin Central Church og si Dr. Lee nagpakita kon unsaon pagpakabuhi sa tinuod nga mga Kristohanon. Daghang nakat-on sa tinuod nga debosyon gikan nila og nakadawat sa mga kaayohan og tubag pinaagi sa pag-ampo ni Dr. Lee. Ang akong asawa naka eksperyensya sad sa lihoc sa iyang pag-ampo pito na katuig ang milabay. Siyam ka bulan sa iyang pagmabdos, wala siya makabati og lihoc sa bata sulod sa tiyan sa pipila kaadlaw. Apan sa dihang siya nakadawat sa pag-ampo, ang among bata nilihok nasad.

Sa akong pagkaila sa mga iladong pastor tibuok kalibotan, gamay ra ang perming andam mo serbisyo sa mga miyembro sa simbahan 24 oras matag adlaw sama sa gibuhit ni Dr. Lee. Kinahanglan kaayo nga ang mga pastor magapamuhat sa ilang pagpangalagad sama sa batasan ni Dr. Lee og magpakabana sa kinabuhi sa mga miyembro. Among buhaton sa among makaya ang pagpakatag sa pagpangalagad niya ngadto sa mga pastor sa tibuok kalibotan.

Dako kaayo nakong kalipay nga nakat-on sa balaang ebanghelyo. Sa iyang mga mensahe, si Dr. Lee nitumbok sa mga sala nga gikasilagan sa Dios og nipasabot nga kita kinahanglan mahimong tinuod nga anak sa Dios kinsa magpakabuhi pinaagi sa Pulong sa Dios.

Dako kaayo nakong kalipay nga nakaapil sa iyang pagpangalagad.



Brother Yordanis Castro,
Guayaquil, Ecuador

“Nihunong ko og Inom og Adik-adik, og ang Akong Kinabuhi Nausab”

Sa wala pako mahibalo sa pagpangalagad sa Manmin ang akong kinabuhi sama sa barkong naglutawlutaw sa dagat nga walay kompas. Gikan ko sa Cuba, apan human mamatay ang akong ginikanan, nibalhin ko sa Ecuador. Human nga gipapahawa ko sa akong trabaho, nagpakabuhi kong masulob-on og anaa sa kasakit og nagsugod sa inom og nanigarellyo og marijuana.

Nitambong ko og magic school og mag magic alang sa akong panginabuhi sa hospital, eskuwelahan, sa teyatros, og TV para sa mga bata. Samtang nagtrabaho, labaw kong nakighigala sa kalibotan. Mag-inom ko, mag druga, og manigarellyo. Ang akong baga nagsugod og kadaot, og ang agi sa operasyon sa nabuak nakong bagtak maoy nagpaantos nako sa grabing kasakit sa kiting og likod. Nakabaton ko og ‘chronic allergic rhinitis’ og kadaot sa kusog.

Nagsugod ko og pangita sa pulong sa kinabuhi nga makaluwas nako sa kangitngit. Pag 2015, nakabasa ko mahitungod kang Dr. Jaerock Lee og sa Manmin Central Church sa internet. Ang panghimatuud ni Dr. Lee nakatandog kaayo sa akong dughan. Nagsugod ko og paminaw sa iyang mensahe og nag-ampo. Akong gidawat ang iyang pag-ampo alang sa mga masakiton! Nipakli ko sa bag-ong pahina. Nihunong ko og inom, panigarellyo, og sa pag adik-adik. Naayo ko sa ‘chronic allergic rhinitis’ og ang akong baga na normal. Nakalingkawas sad ko sa akong kadaot sa kusog.

Human nga nakadawat ko sa kahibulongang grasya, nanulti ko sa ubang tawo mahitungod sa akong tistimonyo og sa “Message of the Cross” ni Dr. Lee. Moapil ko sa worship service sa Peru Manmin Church o sa Colombia Manmin Church pinaagi sa YouTube og karon nag kat-on sa mga mensahe ni Dr. Lee pinaagi sa SNS. Magbasa sad ko sa *Balita sa Manmin* sa Spanish diha sa website sa simbahan.

Manghinaot ko nga ang pulong sa kinabuhi mahatod ngadto sa daghang tawo kay aron daghan ang maluwas apil na sa akong pamilya og mga higala. Naglaom kong makabisita sa Korea og makakita personal ni Dr. Lee. Akong kinasingkasing pasalamat si Senyor Pastor Dr. Jaerock Lee nga migiya nakong mangita sa Dios matag adlaw, mohigugma ni Hesu Kristo, og sa pag-ampo diha sa Espiritu Santo.

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuerras Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714